

Sigle: Hk2

Aufbewahrungsort: Stiftsbibliothek Heiligenkreuz

Signatur: Cod. 541

[35v,20]hye hebt sich an fant anhelmuß frag
die ift hübfch vnd ſchun gerecht
vnd gütt die foll man mit fleyß leffen
wan ſie den menſchen woll mag zu einē^z
andacht bringē der ſie mit fleiß hortt ⁊ č
[36r,01]Sanctus annhelm⁹ bat vnſſer libē
frauū von himellreich lange=
zeit|mit groffer begirde mit|vaſtē
mit wachē vnd mit andechtigē
gepette vnd mit herczēlichē zech(=
ern das ſie im öffente vnd künnt(=
tett ireß aingeboren kyndefz|ma^zte^z
wie||fz im von dem anfang pifz an
dafz ende er#ginng vnd do er defz lange
zeit hett begert do er#ſchain im vnſer fra<ū>
zu ainē mall vnd ſprach|zu im Annhelm⁹
wiß dafz mein liebeß kint manig groffe mar=
ter hott erliten dafz efz nimant volliclich ge
gefagē kan die augē muſtē mit manchen
zechern defz herzen piterlichē wainē wā
ich aber <nū> fo groſſlich erhochet pin von
meinē liebe kinde· über all himliſch her
vnd über all creattur die got ye|beſchuf
fo mag ich vnd en fol nit mer wainē vñ
darnach alß du mich fraget do#von fo ſag
ich dir alß dein hercz begert vō meinß lib(=
en kindefz martter Sant anhelm⁹ wafz
vō herzen fro vnd ſprach liebe frau ſag
mir wie wafz der anfang <der> marter
deineß liebē kindß Unſſer frau ſprach
do mein kint hett geſſen mit feinē iügern
vor feiner marter vnd in die fuſſe hett

gezwagen do fie vom tiffhe giengē do
gieng iudafz scarioth zu den furstē der iudē
vnd kam einfz gedingefz mit in über#ein
[36v,01]alfo wolte er mein kint v^rratten die iudē
waren de<fz> gedingefz fro vnd gabem im
dreyffig pfening Sant anshelm⁹ sprach
sag mir liebe|frau welcherley warē die
pfening Unfer frau sprach sie warē ge(=)
haiffen yfmahelite vnd ich wil dir fagē
wo#von sie alfo hieffē do iofep vō feinen
pruder verkauft ward do kauftē in etlich
leüt die warē gehaiffen yfmahelite darumb dy
pfening den namē haben vnd dy|leüt den
die pfening wurden die behiltē sie fur einē
er#schafz vnd yedlichfz gefchlecht liefz sie|feinē
nach#kumēndē woll virczechent vnd virr(=)
taufent iar wan sie warē teür vnd kospe⁴
vnd die iudē die do waren czu ierusallem
die das gut gelt hettē vnd wie lieb efz in
wz doch so gabē sie iuda die#selben pfening
wan er wafz alfo geitig do er die pfening
er#fach do gefillen sie im alfo woll dafz
er mein kint darumb gab wie dick er in
doch ge#warnet hett Sant anshelm⁹ sprach
sag an liebe frau werd du do pey deinē
liebē kinde Unfer frau sprach nain ich anf(=)
helm⁹ du solt wiffen do mein kint het geflē
mit feinē iungern vnd in die fufe het gezw=
agen vnd in feinē leichnam hett gegeben vñ
gar füficlich hett gepredigt vnd iudafz von in
wafz gangen zu den iuden do gieng mein
kint mit feinē iungeren ab dem perge fyon
auf der ftat zu dem tor dafz da haifet dafz guld
tor zu einē prunen der haifet filoe pey dem
[37r,01]wafz ein gart do wafz er v^r dick geweffē mit
feinen iungern vnd vnter dem perg oleueti

do hieſz er fein iungern peiten do gieng er
von in an ein eck wol alſz vere al<ſz> man einē
ſtain mit der hant gewerffen mag vnd viel
nider auf feine knie vnd pat feinē vater vō
himmelreich vnd ſprach den pfalm Exaudi|me
domine quoniā benigna eſt miſericordia
tua et ſecundum multitudinem ~~mifer~~<...>
~~duarum~~ ationum tuarum respice in me.
daſz ſprich her erhor mich wan gutig iſt|deī
parrherczikait vnd nach der menig deine⁴
~~erbar~~me genadēreichē erberme ſich an mich
Ne auertaſz faciem tuā a|me quoniam trib=
ulor vellociter exaudi me daſz ſprich kere
dein antlicz nicht vō deinē kinde wan ich pin
betrübt do#von hilf mir pald vnd erhor|mich
Sant anhelm⁹ ſprach ſag mir liebe|frau
worumb petet er alſo Unſer frau ſp⁴ach daſz
tet er vmb dereyerley ſach willen die erſt
vmb daſz daſz er gar zarter natur waſz dar(=)
umb tet im fein marter vill deſter wurfer
die ander ſach daſz in fein traurikait vnd
fein forcht het uber#wunden daſz im der plut(=)
ig ſchwaifz auf allē feinē leib trang daſz er
auf die erden floſz vnd wann er warer got
waſz der alle dinck vor#wefte do weſt er alle
die marter wie fein geſpot ſolt werden vnd
an#geſpeit geſtoffen vnd geſchlagē vnd wieder
mit falſch ſolt werden ver#vrtailt vnd leſte⁴(=)
lich ſolt ſterben an dem creücz vnd waſz er
auch von ytlich marter ſchmercenſz vñ piter(=)
[37v,01]kait ſolt leiden vnd wann er daſz alleſz vor wol
weſte do#von pettet er wan wie woll ein <...> ubel(=)
tetiger menſch woll waifz das er ſterbē muſz ſo
er wirt ver#vrtailt denech enpfindet er deſz
ſchmercenſz piſz daſz man in hencket an daſz f
ſay<ll> ſo entpfand mein liebeſz kint alleſz deſz ſch=

merczē vor den er|leiden muft die drit fach wz
dafz er woll weft dafz die iudē kain erberme
uber in gewinen mochtē vnd do er feinē vat^r
gepat möcht efz gefein dafz er in der marter
uber#hüb vnd doch feinē willē nicht anfeche
funder feinē veterlichen willē do fendet im
fein vater von himelreich einē engel der in
fiterckt vnd fprach pift veft vnd stark wann
du folt er#löffen allefz menfchlichfz gefchlechte
darnoch ftund er auf vnd gieng zu feinen
iungern do waren fie entfchlaffen vnd von
vnmeßiger betrubte wegen vnd traurikaitt
do fprach Mochtet ir nit ain ftund mit mir
gewachen sechet ir nicht er nochēt pald der
mich hin will geben do kam iudafz mit|eine^r
groffen fchar vnd do er begund nochentē do
fprach er zu den iuden ir fein zwien gleich
ein#ander ihesufz vnd iocob den man haifet
feinen pruder vnd kan man kaum ainen
vor dem andern kennen do#von will ich euch
ein worzaichen gebē welchen ich küfe den
greiffet an vnd füret gewerlich vnd do er
begund nochenten do gieng mein kint gegē im
vnd fprach wenn fuchet ir do fprache sie iheū
naferenū do fprach mein kint ich pin||fz do
fillen sie alle hinter fich nider auf dafz ertrich
[38r,01]do fprach er abe^r zu in seitt ir mich fuchett
fo laft dife gen die pey mir fein dafz die gfchrift
erfullet werde Quofz dedifti michi nō prod=
idy ex|eifz quemquam dafz fpricht die du mir
haft gegeben der han ich keinē verlorn vnd
do mein kint dafz fprach do gieng iudafz dar
vnd kufft yn do fprach mein kint wilt||u defz
defz menfchē kint in dē tot gebē mit dein kufe
vnd zu#hant viengen sie mein kint vnd furtē
efz hin do zuckt fant petter fein fchwert auf vñ

fchlug defz oberftē furtē knecht dafz recht ore
ab der do hiefz malchufz Sant anhelm⁹ fpr^hch
sag an zarte frau gefchach do kain zaichen
an feiner gefenncknuufz Unfer frau fprach
ia efz mein kint pot fein hant dar vnd berürt
fein orr vnd macht in gefunt vnd fprach zu
fant petter stofz dein fchwert wider in die
fchaiden wann alle|die|mit dem fwert leben
die ver#derben mit dem fchwert oder mainft
du nicht dafz ich meinē vater mocht erbiten
dafz er mir fendet czwelfef fchar der engell
die fur mich vechten vnd zu#hant fluchen
fie von im alle Sant anhelm⁹ fprach sag
reine frau werd du auch do Unfer frau
fprach nain ich anhelm⁹ Sant anhelm⁹ fpr^hch
worumb lieft||u dafz vnd er dir alfo lieb wz
Unfer frau fprach efz wafz nacht vnd wafz
nicht pillich dafz iung#frauē an der ftroffen
gieng Sant anhelm⁹ fprach sag zarte|frau
wo wert du Unffer frau fprach in meiner
fchwefter hauß iohañefz muter Sant anhel⁹
[38v,01]fprach wer wafz der pot der dir die mer fagt wÿ
efz vmb dein kint ergangē were Unfer frau dÿ
fprach do komē die iungern all mit groffē
fchalle vnd m<i>t vnmeßigē leidem vnd fprachē
zu mir owe|liebe muter vnd fraue dein
herczen#liebefz kint dein aingeporne⁷ fune
vnfer lieber maifter ift gefangen vnd gepūd
vnd ift von vnß gefürt vnd wifen nit|wo
er hin#gefuret ift Sant anhelm⁹ fprache
sag mir zarte fraue wie wafz dein vngemach
vnd deineßz deineßz herczen not Unfer frau
fprach wie wol ich weft dafz mein kint menfchlichßz küne
von im folt erloft werden doch von muterliche⁷
lieb vnd natur wegē gieng fimaneßz fwert
durch mein hercz alz er mir vor hett gefagt

do er mein kint entpfing in dem tempell S(=)
ant anhelm? sprach sagzarte frau wo w=
art dein kint hin gefürt Unfer frau sprach
auf dem garten do er inen gefang ward du'ch
ain tall dafz haift iofafaht durch dafz gulden
tor do er auf gegangen ward in ainē pallaft
der ftund pey defz furften haufe annafz do
ent<c>zün̄ten fie ein feür do kamē die erwartē
vnd die gfchrift#gelerten vnd die pharoifeÿ
vnd die fame<n>ten ſich in den pallaft do fragt
der furft annafz vill vō feinē iungern vnd
von feiner lere do antwurt im mein kintt
ich han offentlich gerett mit der werlt vñ han
alle zeit gelert in der ſiñago vnd in dem tem=
pell do die iuden al zu komē vnd nicht han
verporgenlich gerett wafz frageft du mich
frage die efz habē gehort die wiſſen wol wz
[39r,01]ich in han gefagt do mein kint dafz gerethet
wider den furften annafz do ſchlug ein ampt(=)
man defz furften mein kint gar vnparmhe=
rcziclich an fein wang vnd ſprach du folft dē
pantifici oder piſchoff paß antwurtē do ſpr̄ch
mein kint gor ſenfticlich alß ein lemlein zu|dē
der in het geſchlagē hab ich woll geret war(=)
umb ſchlechft||u mich han ich aber ubel gerett
dafz bezeüge do name fie in vnd verpundē
im fein augen dafz man doch kainē dieb tut|ee
er ver#vrtailt wirt vnd ver#ſpottē in alle die
nacht vnd ſpeitē im vn̄ter fein augen vñ gingē
hinter in vnd ſchlugē in auf feinē nack vnd
ſprachen weiſſage wer dich hab geſchlagē vñ
wafz ſant iohanneß czu meinē kind gangen
in dafz haufe wann der here annafz kennett
in woll vnd iohanneß nam petrū mit im
vnd furt in auch mit im in dafz haufe vñ
do petrufz in dafz haufe gieng do ſprach ain

mait zu im die hutet der thür du pift defz
menfchen iunger ainer do lauket petr<ü> drey(=
ftund vnd fwur dafz er in nicht kennett noch
het gefechen czuhant kreet der han do fach mein
kint petrum gar trauriclich an do gedacht pet(=
trufz an dafz wort dafz er im vor hett gefagte
ee der han zway#mall kret fo|haft||u mein zu
drey mallen verlauket vnd gieng aufz pald
vnd bewainet efz gar piterlich Do sprach anz(=
helm⁹ wo wert du do liebe|fraw do dafz allefz
gefchache Unfer frau sprach do mir die iüge⁴n
fagten dafz er gefangē wafz do zitertē alle mei
gelider vnd gieng auf pald vnd maria mad=
allena mit mir vnd gingen zu dem tempell
[39v,01]do#pey ftund nochent defz furftē hauß do|hört
ich ain grofz geprechte in dem hauß vnd wer gern
in dem hauf geweffen vnd gangen do wolt mir
fein nymant günnē do gewan mein hercz pit=
erlich leiden vnd ftund vor dem hauß vnd wāit
piterlich|vnd sprach owe herczen#liebefz kynt
vnd fpigel meiner augē wer geit|meinē|augē
vnd meinē haubt waffer der zecher dafz fie
bewainē vnd clagē den groffen mortt den mā
be#ge<t>t an meinem lieben kinde do gieng m(=
~~aria vnd~~ maria madallena vmb dacz hauß
hin vnd|her ob fie yndert mochtē vinden ein
venfterlein do fie hin#ein flufen dafz fie mein
kint gefeche in feinē nöten do hört ich dacz pet(=
trufz fein dreyftund v⁴lauget vnd sprach mit
einer iemerlichē ftime ihefufz welch ende foll
dein piter tot heüt nemē oder wie fol efz ergen
seit der dein verlauket der ein haubt ift vntē⁴
allen deinen furftē czarter ihefufz ich will dein
nymer v⁴laugen ich ftund auch vnd hört allē
den fpot vnd alle die fleg vnd alle die ftofz die
man im gabe vnd wafz man defz nachftfz|an

im begieng vnd do petrufz fein verlaugēt|do
fach in mein kint an in allen feinē notten do
gedacht er an dafz wort dafz mein kint zu im
gesprochē het vnd gieng aufz dem haufē vñ
vand mich vor dem haufē ften do sprach ich
czu im owe pettere wafz tut man meinē kind
oder wo ift efz do fchray petrufz mit einē|grof=
fen ftime iemerlich vnd piterlich vnd sprach
czu mir owe liebe frau vnd muter fo fl<e>cht
man dein kint vnd fteft efz an alle er#per#me
vnd begend aller#hande|spot|mit im fo fie|künē
erdencken vnd ift fein antlicz alfo lefter'lichē
[40r,01]v' fpeit dafz man kaum er#kennē kann ob efz
einefz menfchen antlicz fey do er mir dafz gefagt
do lief er hin vnd floff in einē|hollē ftein der|haift
galicantufz vnd kam dar#auf nicht pifz mein
kint erftarb an dem creücz Do spr̃ch fant anffz(=
helm? liebe frau wie wz dir an deinē herczē
do du dafz allefz horeft Unfer frau sprach do
gieng fimañufz fwert d||zu dem ander mal
durch mein hercz Sant anfhelm? sprach
wie er#gieng||fz dar#nach Unfer frau sprach
do efz frü ward do fürte fie in aufz defz für(=
ften haufē annafz in defz pifchoff haufze cayfafz
do fache ich mein kint dafz man in gefangē fürte
do lief ich dar recht alfz ein lebin der ire kint
genumē werden vnd do fein miniclichefz
antlicz alfo vnrein wafz do gehub ich mich
iemerlich vnd sprach czu im mein zartefz
kint vnd aingeporner fun wie iar iemer(=
lich dein antlicz ift gefalt defz fich mein hercz
fo dick gefreüet hat vnd lief pald vnd wolt
mein kint vmb#fangē|han do wolt mir fein
nymant günnē vnd ftiefz mich einer hin
der ander her#wider vñ ward mit wortē
gefcholtē vnd pöfzlich dannē getribē do wart

der zu#lauf alz grofz alz do man ainē dieb
oder einē mörder vervrtaillē wolt vnd do
er fur gericht kom do ftund er alz ein ain(=)
veltigfz lemblein dafz feinē münt nit aufzut
fo man efz tötē will vnd wafz fein antlicz
also lefterlich verfpieen dafz efz nit anderfz
gefalt wafz dan einfz auffeczigē menschen
antlicz darnoch funden fie vill valfcher ge
[40v,01]gezeügnufz sie fprachē er wer ein zerftörer
der zechen gepot vnd het ver#kert die|leut von
gallilea pif zu ierufallem mi<.>t falcher lere
do kamē aber zwen falch gezeüge die fpr^achē
wir horten dafz er fprach er wolt den tempell
auf#lofften oder zu#precchen vnd wolt in
wider#machen in dreyen tagē dz fprach
er von dem tempell feinfz leibefz do wenten
fie er fprach von den tempel den her falom<o>
hett gemacht do fprach der pifchoff kayfafz
zu im sag vnfz ab du feift gottefz fun do
ant#wurt im mein kint vnd fprach sag
ich euch fo glaubt ir mir nicht frag ich euch
fo antwort ir mir nicht / doch fag ich euch
werlichen ir werdent defz menfchē kint fechē
ficztē pey dē zeffē feiner götlichen krafft vnd
kumen her#wider in den wolcken defz himelfz
do ftund der pyfchoff kayfafz auf vnd zerett
fein gewant vnd fprach zu den iuden wafz|be(=)
durffen wir mer gezeugē er hot doch felber
veriechen wefz beduncket euch do fchryrē dÿ
iuden alle mit#ein#ander vnd fprachē also
er<.> ift defz todefz fchuldig vnd do ich die vrtail
erhort do gie|zu dem dritē mall symonefz
fchwert durch mein hercze Sant anhelmufz
fprach sag mir liebe frau wie er#gieng|efz
darnoch Unfer frau fprach do furtē fie in
gepunden fur pillato vnd do dafz volck allefz

dar kam do fchr̄yr̄e fie allē armē vnd reich
[41r,01]gemainlich n̄ym h̄ym / nym hin vnd creuczige
yn vnd huben im auf dafz er|hett gefprochē
er wer gotefz fun vnd dafz er|hett gesprochen
man folt dem kaiff̄er kainē zinz geben do
begund pillatufz zu fragē noch feinē kunck(=
rech vnd f̄pr̄ch zu im du pift der iuden künck
do f̄sprach mein kint zu im f̄sprach du dafz
von dir felber oder hot dir dafz <ny>mant|gefait
do f̄pr̄ch pilatufz pin ich dan ein iud dein ee(=
warten vnd dein gefchlecht haben dich mir
geantwurt|wafz haft||u gethan do f̄sprach
mein kint mein kunckreich ift nicht vō dif̄er
werlt wann wer mein kunck#reich vō dif̄er
werlt mein ampleüt hulfen mir dafz ich
nicht den iuden wurd geantwurt noch gebē
do f̄pr̄ch aber pillatufz so pift du doch ein küng
do f̄pr̄ch mein|kint d<u> f̄sprach|efz wan ich pin
ein küng vnd pin darumb kumē auf dafz
erttrich dafz ich ein zeüge pin der warhait
wan wer vō der worhait ift der hort mei
ft̄yme do f̄sprach pillatufz wafz ift die warhait
do f̄schwaig mein kint vnd wolt im der frag
nit verantworten wann hett er im gefagte
wafz die worhait ift fo hett er in vileich vō
dem tode erledigt vnd wer menfchlich geflecht
nymer erloft worden vnd do iudafz hört dz
mein|kint ver#vrtailte wafz do geraiot|in der
pöffz kauff vnd gieng hin zu den iuden vnd
prachten die pfenning wider vnd f̄sprach zu
[41v,01]yn ich han gefundet dafz ich v̄kaufft hab dafz r
recht plut da f̄sprach die iuden wafz get vn̄z
dafz an dafz wirft||u woll finden haft||u vnrecht
than do warff iudafz die pfening in den temp(=
el vnd gieng vō in vnd er#hing fich felber
vnd do dafz gefchach do gieng pillatufz wider

zu den iuden vnd sprach zu denewartē vñ
zu dem gemayn volck ich fynde kain sach an
diesem menschen do mit er den tod hab vñ
die iuden sprach er hot daz volck bewegt vñ
verkert von gallelea pifz her vnd do pillat⁹
daz hort daz er waz von gallelea do herodesz
zu den zeiten kunck waz do sendet er meī kint
zu herode wann er waz in der stat ierusalem
vnd hort auch woll daz er lange zeit het begert
mein kint zu sechen vnd wolt sich vñ mit
herode wann sie warē gar lange zeit einander
veint gewessen vnd do herodesz mein kint ge(=)
sache do waz er von herczē fro wan er begert
von ganzē herczem daz er zaichen vor im tet
er fraget in vill dingz vnd ob er daz kint wer
daz sein vater herodesz suchte daz er in wolt
totē lassen vnd ob er der wer der laferū er(=)
kückt het von dem tode vnd der witibin vnt
dem tode vnd ob er der wer der die blindē ge(=)
sechen macht vnd mancherlay frage do wolt
im mein kint nie kain antwort geben do
gelobt im herodesz daz er ein zaichen vor im
tette so wolt er in erledigē von dem tode
[42r,01]mein kint sprach aber nie kain wortt do hiez
im herodesz ein edelle kran auf sechen vnd sprach
daz er ein zaichen vor im tette er wolt im
sein kunckreich halbz geben mein kint sprach
nychtz do stunden die do warē vnd sagten
vil dingz auf in do mit sie im vnglimpf
möchtē bringen vnd do herodesz sach daz meī
kint kain zaichen vor im wolt thun do ver(=)
schmecht er in vnd allez sein here mit im vñ
hieff im ain wiefz gewant anlegen vnd sendt
in wider zu pilato also wurde pillatusz vñ
herodesz des tagz mit einander veraint vñ
do herodesz sache die groffen veintshaft die dy

iuden hetē czu meinē kinde do forcht er sie
er#schlūgē in ee er wider zu pillato kūme vñ
hieff woll bereit leüt mit im gien die in behüte
vor den iuden vnd do mein kint wider kū
czu pillato do ruft pillato den iudē vnd sprach
zu in ir habt mir diesen mensche zu#pracht
für einen ver#kerer des volcks nū kan ich
kein sach an im finden do#mit er denn
tod verschult hab in aller clāg do#<mit> ir in
für#laitet noch der künig herodes vindet
auch kein sach an im ich wil in zucht<i>gen
vnd wil in den gien lassen do schri die
iuden vast daz er in waraban gebe der wz
ein schecher vnd waz gefangē vmb mansch=
lacht willen vnd sie|hieffen mein kint kreucz(=
igen do sprach pillatus ich vinde kein sach
[42v,01]an im ich will in hertlichē straffe vñ will
in dan lassen die schalckhaftigē iudē vnd die
volschē iuden schriren aber vast du folt|in creucz=
igen vnd do pillatus an dem gericht saz do sent
sein frau czu im an daz gericht vnd sprach du
en|haft nicht zu schaffen mit dem gerechtē m<es>chē
ich han heint vill erliten von im in|dem schlaffe
nū gedacht pillatus wie er der iuden freyd<h>ait
mocht stillen vnd hief im siyn gewant abzihe
vnd hief in schlahē also fere daz vō der schaiteln
piz auf die füsse nichtz beleib vnu'ertes an|al=
lem feinem leibe nū waz die seull dar#an er
gepunden waz also daz er pey einer spane
die seull nicht möcht vmbgreiffen do namē
sie starck rimē vnd zugē im sein arme|zusamē
vnd schlugē in also fere daz dz plut in uber(=
goffz in ainer kleinen weill daz der zart|leich(=
nam wart alz ob man im het einē rotē pfelle'
angelegt daz der amplick feinfz leibfz waz
nicht anderfz denn ob man ainfz auffeczigen

menſchē an#ſeche dornoch bant in
pillatufz ab der feüll vnd legt im an|ein claitt
von edlem pfeller vnd ſaczt im ein dürnēne
kran auf fein häbt vnd kniete fur in vnde
ſprachen biß gegruft ein kunick der guden
vnd ſchlugē in an feinē packē vnd auf feinē
nackt vnd die krane die im herodeſz auffeſzt
do krünt|man noch all rümifch kinige v̄
~~franckreich~~ aber dieſſe kran die im pillat⁹
[43r,01]auf#ſeczt die hat der künck v̄ franckreich
vnd die kran wafz nicht von holcz ſie wafz v̄
mer#pinczen die#ſelben dorn ſind alfo ſcharpf
daß ſie nymant meinē kinde möcht mit de⁴
hant auf#ſeczē ſie muſtē nemē einē ſchaft ode⁴
ein rore vnd trucktē ſie im do#mit auf fein
haubt daß im daß plut fein antlicz vnd fein
achſeln uber#goff do nam in pillatufz alfo ge(=)
krüntē vnd allſo plütigen vnd für in|aufz
fur die iuden mit dem pfelleren gewant v̄n
ſprach zu in ſecht an ihēfū euren kinige v̄n
do ſie in erfachen do benugt ſie nicht aller der
ſchmechte die ſie im er#potē hetē vnd aller der
marter die er erliten hett ſie gedachtē nicht
daß er alfo vill zaichē vor in thun hett daß|er
die plindē het ſechent gemacht die taubē ge(=)
hörent die auf#ſeczigen rein v̄nd daß er fünf(=)
taufent menſchen ſpeifet mit fünff proten
vnd zwäjē fiſchē vnd ander manig groſ|zaichē
die er vor in tett der hettē ſie aller vergeſſē
vnd ſchirirē auf in recht alß auf einē morde⁴
vnd ſprachē crucifige|ī creüzigē in do ſpr̄ch
pillatufz nempt in vnd creuczigē in noch eürē
gefeczte do ſprachen die iuden Man ſol in|totē
noch vnder rechtē wan er|hat geſprochē Er
ſey gotefz fun vnd do daß pillatufz hort do
erſchrack er vnd gieng in daß richthauſe v̄n

nam mein kint vnd sprach vō wanē pift du
[43v,01]do wolt im mein kint nicht antwurten
do sprach billatufz wilt du nicht|mit mir redē
waift||u nicht dafz ich han gewalt dich|zu|lafē
vnd gewalt hab dich zu kreuczigē do sprach
mein kint du hettest kainē gewalt uber
mich er wer dir dan geben vō obē her#ab
do#vō hat der vill mer gefündet den du
der mich dir geben hat vmb die|rede hett
in pillatufz gerē leben lassen do schirē d̄y
iuden mit groffem zorn vnd sprachē zu
im wie du in wilt lebē lassen so pift nicht
defz kaiferfz freunt do pillatufz hort dafz sie
im traten auf seinē heren den kaiffer do|nā
er wasser vnd wusch sein hende vnd spr̄ch
zu in allen ich pin vnschuldig an defz me(=
nfschen blut do schirē die iudē vnd sprachē
sein plut kum über vnz vnd uber vnere
kint vnd schirē mer vnd ye mer dafz er
in hing do gesigtē sie an pillato dafz er
spr̄ch ir wille solt zer#gien vnd liefz warabā
ledig durch der of^tlichē recht willen vnd
gab vrtaill uber ihesū nafferenū dafz sie
in tötē des lefterlichē todesz an den creucze ¶
Sant anhelm⁹ sprach sag zarte frau wie
do deinē herczē Unff̄er frau sprach do ging
fymonifz fwert zu dem virtē mall durch meī
hercz vill mer dan ob dz vrtaill uber mich ge(=
gangen were Sant anhelm⁹ sprach owe libe
frau wie gieng er darnoch Unfer frau spr̄ch
sy namē mein kint vnd fūrtē in aufz do fy in
[44r,01]creuczigen woltē vnd legtē im dafz creucz af
seinē ruck dafz wafz funfzechen schuch lank
do het er den tag vnd die nacht alz grof not
vnd arbit er#litē dafz er dafz creucz nicht
mocht getragē do zwungē sie ainē andern

dar#zu der hiefz fiman der begegnet in auf
dem weg dafz er meinē kind dafz creucz#e
muft helfen noch#tragen vnd dafz tettē sie
nicht vō der bermde wegē funder sie fāchē
dafz er fein nicht mocht getragē vor kranchait
vnd vor mūdikait Sant anhelm⁹ sprach
mein frau gieng icht vil leut im nach Unfe^z
fraw spr^āch ia im lieff arm vnd reich noch
man weib vnd kintt vnd im giengē vil fraū
nach die piterlichen clagtē vnd von herczen
vmb in waitē im giengē auch vil|leütt
nach die auf in fchriren alfz auf einen mā d^r
den man zu dem gallgen fūrt efz lieffē auch
vil kint dar die namē|horb oder kott vnd
wurffē im dafz vnter fein antlicz vnd an
fein haubt vnd an fein wange do kert sich
mein kint gegē den frauē die mit im warē
in groffem laid vnd im wainet noch#folgtē
vnd sprach ir tochter|von Ierufallem wait
nicht uber mich wait uber euch vnd uber
eure kint die dafz horb vnd die ftain an mich
werffent vnd nicht wiffen dafz sie so vne(=)
recht thun wann efz kumpt noch die zeitt
dafz sie werden fprechen sellig fend die leib
[44v,01]die|nie kinde^z trugen sellig fend die pruft die
nie kind gefeugten sy werden zu den pergen
fprechen valt auf vnfz vnd zu den pucheln
bedeck vnfz wann sie dafz thun an dem grunē
holcz wafz gefchicht den an dem düren alfz ob
er het ge#sprachen dafz mir diffe kint alfz grof
lafter erpiten in irer kinthait wafz gefchicht
dan wen sie in ir alter kumē men furt auch
zwien fchecher mit im aufz vnd dafz tetten sie
<im> czu ainē lafter vnd do man in mit den
fchechern auffurt do ward dafz gedreng also
grofz von den leütē die im nach#luffen vnd

fein spoten daz ich in nicht mocht zu kumē
do ward ich vnd maria madallena zu rat<e>
daz wir in fur#luffen in ainer andern
gaffen ee er zu dem thore kume also liffen
wir in ain ander gaffen vnd kamē zu
einem prunnen do bekame vnſz mein
kint vnd waz ſo iemerlich geſtalt wer
er nicht mein kint geweffen ich het in|kaū
erkant ſie hetē im fein hende zu#ſamē ge(=)
pundē vnd furtē in gar vnzogēlichē vnd
do mich mein kint erfache an dem wege
ſten do naiget er fein haubt gegē mir vñ
ſprach herzen#liebe muter mein ich dank
dir aller der liebe vnd zucht vnd defz gutefz
daz du mir ye getetefz vnd mich alfo gutlich
vnd zertlich erzogē haſt mit deiner armūt
vnd mich in allen meinē nottē nicht lieſt
[45r,01]vnd hulfeſt mir gern ob du möchteſt vñd|lauf(=)
eſt mir nach wie ver#ſchmocht ich pin aller de^r
werlt do furtē ſie in an die|ſtat clafaria vñ
kreüczigē in vnd die|zwen ſchecher mit im
ainē zu der rechtē feitē vnd ainē czu der linckē
ſeytē vnd mein kint do mitē Sant anſhel⁹
ſpr^hch ſag mir raine frau wie tettē ſie im
Unſer frau ſprach anſhelm⁹ nū|hör clegliche
mer daz kain ewangelift beſchreibt do ſie kamē
an die ſtat caluaria do zugē ſie im ab fein
gewant daz an allem feinē leib ain fadē nit
belaib do er#ſchrack mein hercz do ſie im daz
groff laſter erputē vnd gieng dar vnerſchr=
ockenlich vnd an ſchame vnd nam ain tuch
vō meinē häbt vnd pant eſz im ſelber vmb
feinen leib nū waz der fleck oder die ſtat
gar vnrein die do haift caluarie do ſie mei
kint hettē|hin#geführt vnd waz alſz ver#ſmecht
daz man poſſere ſtat nicht mocht finden

man schant die schelm vnd enthaubt die|m<o>rde'
do vnd wafz der gefmack alz grofz an difer
vnrainē ftat dafz in kaū ymant erleiden
mocht do legtē sie dafz creucz nider auf die
erden vnd legtē mein kint rücklingē auf|dz
treücz vnd nagelten im die hende dar#auf|de'
nagel wafz alfo grofz dafz er die wundē fo
fer erfult dafz ain plutefz#tropf nicht daraufz
gieng do namē sie faill vnd legtē im||fz an dy
andern hant vnd zugē die im|alfo vaft dafz
[45v,01]die gelider auf#ein#ander giengē vnd der nagel
den sie|im <a>n die andern hant schlugen der wafz
auch alfo grofz dafz er im die wundē alfo fer er(=)
fullet dafz auch ein plutz#tropf dar#auf nie|ging
darnoch namē sie grofse faill vnd pundē im||fz
an|die fufz vnd denten in alfo fere dafz die|ge(=)
fchrift in dem pfalter erfult ward dynumera(=)
verunt amnia offa mea dafz spricht sie haben
in alfo fer gespannt dafz alle|feine|gepaine|wurdē
gezalt durch die|haut vnd do sie in alfo fer er(=)
spannten do legtē sie im ainē fufz uber den
andern vnd schlugē im do einē ftumpfē nagel
durch paid füffe der wafz alfo grofz dafz im dz
plut nicht|her#aufz mocht geflieffen vō der grofe
defz nagelfz vnd do ich die|grofse hamerlege
hört do wafz die wiefagung an mir volbracht
alfz der künuck dauit spricht im pfalte' audi
fillia et|vide recht alz ob er sprech hore tochter
die pitern|hamerschleg vnd sich die manck=
veltigen not die ich leid an meinē hendē vnd
an meinē füffen vnd an allē meinē leibe vñ
do ich die groffen hamer#schleg er#hört do ging
Symanefz fwert czu dem funfte<n> mal durch
mein hercz do namē sie dafz creucz vnd hubē
dafz auf mit meinē kinde do wafz dafz creucz
alf<o> hoch dafz ich fein füfz nit|mocht|berürē mit

meinē|henden owe|defz iemerlichē anplickfz
den ich do fache wie vngeleich dafz wafz vnd
do ich im fache feine hu<...>ein vnd fein mÿnÿ(=)
[46r,01]clichefz antlicz do er auf#gerichtet wafz vnd
begund hangē vor der fwere feinefz leibfz do
prachen im die wunden an hendē vnd an
füfen do ran dafz plut also fere von im alfz
ob efz von vir prunnē gieng nū het ich ein
gewant an alfz dan gewanhait ift in dem
lande dafz frauē tragen dafz gewant|wafz al(=)
fo gemacht dafz efz den leib vnd dafz haubt|be(=)
deckt mit#ein#ander vnd wafz wief alfz ein leinē
tuch vnd dafz gewant wafz allefz rot werden
von dem plut dafz auf mich ran Sant anf(=)
helm⁹ fprach sag zarte fraū wie ergieng efz
dernoch Unfer fraw fprach do fie in gecreucz(=)
igten do tailten fie fein gewant dafz wafz gewo(=)
rcht an alle not den wolltē fie nicht czu#prechē
wann er ganz wafz vnd fprachen wir fullen
ein lofz werffen welchē der gancz rock werd
dafz die gefchrift er#fult würde in dē pfalter
die der weiffage in dem dem pfalter fprach
diuiferunt fibi ueftimenta mea et fuper uef(=)
tem meam miferunt fortem mein gewant
haben fie <ni> getailt vnd auf mein clait habē
fie ain lofz gelait vnd dar#noch hiefz pilato
uber dafz creucz fchreibē mit dreyerlay fprach
krichifch ab<..>hamifch vnd lateinifch ihesum
nafferenū rex iudiorū dafz müet die iudē
vnd fprach worumb haft||u gefchribē der
iuden künick du folteft haben gefchriben er
het fich genenet einē kinick der iuden da fpr³ch
pillato dafz ich han gefchribē dafz han ich gef<c>hribē
[46v,01]darnoch giengen fie fur dz creucz vnd wurfē
ire haubt auf gegē im gar fpötlichen vnd fprachē
fecht dafz ift der der den temptel wolt habē

zu#prachen vnd an dreyē tagē wider#machen
vnd hat gefprochen er sey gottefz fun pift||u got(=)
tefz fun fo gee her#ab von dem creücz vnd behelt
dich felber vnd auch vnſz do ſprachē die furftē
der iuden gar ſpotilichen er half andern leütē
vnd kan im felber nit gehelfen feift||u ein
kunck von iferahell fo behalt vnſz vnd dich vn̄
gee her#ab von dem creücz fo wollē wir an|dich
gelauben der zarte got helf vnd vnd im ob
er welle wann er ſprach er wer gottefz fun
Sant anhelm? ſprach ſag|zarte fraw ſpr̄ch
er do wider nicht do ſie in alfo v̄ſpotē Unſer
fraw ſprach er pat fur ſie vnd ſprach vater
ver#gib in wann ſie wiſſen nit waſz ſie thunn
vnd ftund auch daſz gemain volck vnd wartet
wie efz ein ende vmb in neme do mocht er wol
czu mir ſprechen tochter hore die groffen ſchelt(=)
wort vnd die manckveltigē nott ich waif wol
daſz du mich entpfing von dem heiligē gaift
vnd daſz du mich trugte vnd geberde iuckf̄
vnd muter vnd daſz du mich zertlichē ſpeifeſz
mit deiner muterlichen milich vnd daſz du
mich lieplichen erzogen haft vnd daſz du mir
alle zeit getreulichen noch#giengft vnd do#vō
die fein nicht gelauben daſz ich ſey gottefz fun
czarter muter vnd fraw fo gelaub aber du
vnd erparm dich uber mich in meinē notē
do mocht er geſpoteſz nicht uberig fein von
dem ſchecher der pey im hing czu der lincke|hant
[47r,01]der ſprach czu im mainē geſpote feift||u got(=)
efz fun fo behalt dich vnd auch vnſz do ant(=)
wurt im der ander ſchecher fein gefelle vnd
ſprach furchteft du nicht gott wann du in
der#felben ver#damnuſz biſt aber wir entpfachē
efz pillichen von ſchuld wegen fo getett difer
nie kain fünd vnd do er feinē gefellē alfo hett

geftraft do sprach er zu meinē|kinde here|er(=)
parm dich uber mich so du kumft in deinefz
vatter reich do spr^hch mein kint czu im ich sag
dir werlichen du solt heut mit mir fein in
dem paradeise Uant anhelm⁹ sprach sage
raine frau wafz tettest du do Unfer frau
sprach do stund ich pey dem creucz vnd iohan(=
nefz pey mir vnd maria madallena vnd
waren groffefz herczēlaydefz voll ich fache
in leiden not vnd mocht im nicht zu statē
noch zu hilf kumē vnd do|er mich vor im
in groffer not fache steen vnd iohannefz meī⁷
mumē fun an den er so vill czarthait vnd
funderlicher lieb het gelait vor den andern
do wolt er mich nicht vngetroftet lan vnd spr^hch
zu mir weib fache deinen fun darnoch spr^hch
er czu iohannefz fache dein muter do wafz efz
an der fechtē czeit defz tagefz vnd ward ein
groffe vinsternufz uber alle diffe werlt pifz
auf none vnd do none#zeit wafz do sprach
mein kint vnd schray mit haiffer stime hely
hely lamafawatani mein got mein got|wē
haft||u mich gelassen do sprachen die die efz|hortē
[47v,01]er ruft heliam⁸ wir sollen sechen ob er nun
kum vnd in erloffē do west mein kint woll
dafz die weifagung an im volbracht ward
vnd sprach sicio mich dürftē vnd do namē
sie ainē schaft vnd macht dar#an einē swamē
den fulten sie mit effig vnd mit piter gallen
vnd gaben dafz meinem kinde zu trincken
vnd do mein kint dafz also versuchte do sprach
er cansumatrum est efz ist allefz volbracht
vnd sprach vater in dein hende entpfilch ich
meinen geist vnd do er dafz gesprach do naiget
er sich vnd schied fey gotliche felle vō seinē leib
vnd do mein kint verschied da erlasch die fune

vnd verlofz den fchein vnd efz czerzeret fich der
vmb#hanck in dem tempell vnd er#fch<iu>ht fich
dafz erterich vnd er#pidëtt vnd zer#fpiltē sich die
herten ftaine vnd funderlich der ftain do dafz
creucz wafz ein#gefeczt der zu#spielt aller vō ein
ein#ander vnd tetten fich die greber auf vnd
er#ftunden vill heilliger leüt die kumē gen
ierufallem vnd lieffen fich do fechen do ftund
ein|herr pey dem creucz der wafz ein centurio
vnd folt meinefz kindefz wartē vnd auch
ander riter die pillatufz het dar gefantt
vnd do fie die groffen zaichē fachen do erfchr(=
acken fie gar fer do lobt conturio mein
kint vnd fprach werlichen dafz ift defz warē
gotefz fun fecht wie fich die elament er#bar(=
men uber irē fchopfer aber die iuden die
[48r,01]wolltē kein er#perme uber in haben do ftun(=
den auch meinfz kyndefz freunt pey dem creucz
paide weib vnd man die im nach waren
gegangen von gallilea die fachen efz allez Santufz
anhelm⁹ fprach sag liebe fraw het dein
herczēlaid denoch ein ende Unfer frau die
fprach nain|efz anhelm⁹ nū hore clegliche
mere wafz mordefz an meinē kinde begangē
ward an dem tag do mein kint getat ward
der hiefz parafte<n>e vnd der ander tag fabatū
den die iuden begiengē vnd darumb dafz
die leichnam nicht hingē an irem ofte⁴lichē
tage do gingē fie czu pillato vnd patē in
dafz er meinē kinde vnd den fchechern ire
pain zu#fchlachē liefz dafz man fache dafz fie
todt wären do wolten fie meinē|kinde auch
alfo habē gethan do wz er vor todt vnd do
fie fachen dafz er tot wafz do woltē fie|<y>cht
n̄ feine pain zu#prechē dafz die gſchrift erfult
wurde die der weiffage von dem waren

osterlame spricht ofz eiufz nō canminuetifz
ex|eo defz osterlamfz bein sol ganz beleibē vñ
ging ein riter dar der wafz plint der|hieff
langinufz vnd ftach mein kint durch fein
hercz von der wundē giengē czwien pech einē⁴
von plut der ander von waffer vnd ich fāch
dafz sie nicht benugte aller der marter die
mein liebefz kint het erliten sie woltē sich an
feinē totem leichnam rechē do ward meē
[48v,01]meinē herczen also wee alz ob ein sper durch
mein feiten wer gestochen do het ich gern ge(=)
wainet do wafz mein hercz vnd aller mein
leib also dure von groffē iamer vnd von ube⁴(=)
igem wainnē vnd arbeit die ich erlitē hett
paide nacht vnd tag dafz ich ainē tropfē nicht
mocht||er#zaigē vnd wafz mein ftime alz gar
an mir erftorbē dafz ich ain wort nicht mocht
gesprechen do wart die weiffagung an mir er(=)
fult die do fimean sprach czu mir et tuam ip(=)
fiufz āiam gladiufz pertranfubit dafz die mart⁴
meinfz kindefz durch mein hercz vnd fel folte
gen vnd ſchneidē alz ein fwert wann dafz fwert
feiner marter het zu dem mall durch#ftoffē
mein hercz vnd mein felle vnd allen meinē|leib
vnd do ich mein kint mit dem mund nicht ge(=)
clagen mocht do sprach ich mit dem herczen
o|mein|liebefz kint o|mein fufefz miniclich kint
owe lieb vor allem lieb wo ift nū der troft
den ich alle tag von dir gehabt han mochte
mir ymant gehelfen dafz ich fur dich fturbe
vnd do fein gotliche felle fur vō feinē mund
do fure sie hin zu der helle vnd ward do grofz
freude do er dar#aufz nam adam vnd alle
die feinē willē hetē gethan vnd beschlofz die
helle dafz nymer kain fell dar#ein kumē mag
den mit irē aigē|willē willē er beschlofz sie mit

dreyer#hand f<l>ofze mit rechter rew mit|laut⁴
peicht vnd warer pufz vnd wer die schlofz
czu#pricht der muß imer do fein vnd mage
[49r,01]nymer danē kumē Sant anshelm⁹ spr^ach
liebe fraw wie gieng|efz darnach Unfer frau
spr^ach ain gut man der hiefz ioseph vnd wz
von ainer ftat die hiefz armathia der wafz
haimlich meinefz kindefz iunger wan er
forcht die iuden der gieng zu pillato vnd
pat in dafz er im gebe meinefz kindefz leib
vnd sprach ist dafz du nicht erlaubest dafz mā
in begrabe so verdirbt fein muter die ist
die rainest fraw vnd die leütfeelligest die ye
geporn ward die hot also grofz clag dafz efz
vnfz also fer erparmet dafz wir efz kaum
gefuchen mügen vnd vnfz also we tut alz ob
sie vnfer aigene mutter were do ruft pilato
dem centurio vnd fragt in ob mein kint
tot were do sagt er im die groffen zaichen
die do gefchachen do nam pillatufz groffefz
wunder dafz er also schir tot wafz vnd hiefz
ioseph mein kint von dem creucz nemē vnd
dafz er in begrabe nach allem feinē willon
nū hore anshelm⁹ clegliche mere do ioseph
mein kint von dem creucz nam do ftund ich
auf vnd wardet wen im fein arm erledigt
wurden dafz ich sie dan entpfing also ent(=)
pfing ich ainē arm noch dem andern vnd
truckt sie an mein hercz vnd küfet in mit
groffem herczen#laide vnd do er von dem cr(=)
=eucz ward erledigt do legtē sie in auf die erdē
neben dafz creucz do viell ich pald nider vn
nam in auf mein schofz vnd spr^ach mit groffē
[49v,01]herczēlaide mein zartefz kint wafz getrofesz
foll ich von dir haben so ich dich toten vor
mir siche do kam mein kint iohañefz ew=

=angelift vnd viel auf fein pruft vnd auf|fein
hercz vnd ſchray mit einer iemerlichē ftime
owe owe auf diffē herczen rüet ich nechten
myniclich vnd|zertlich ob dē tifch ow<e> auß
dem herczen tranck ich nechtē vnſegliche
füfikait owe owe nū entpfach ich vnſeg(=)
liche piterikait do kam petruß geloffē vnd
claget mit groſſem iamer vnd wainet dafz
er fein verlaugert hett do kam maria mad=
=allena der clag wafz vor aller clag vnd v<il>
viel auf fein pruft mit graſſem iame^z vnd
ſprach owe troft vor allem troft wer fall
mich nū entſchuldigen vor ſiman der mich
ſchuldig gab vnd mich dein zarter munt
vnſchuldig machet vor allen meinē fündē
owe wer fol nū mein fur#ſprech fein gegē
meiner ſweſter martha gen der du ward
mein fur#ſpreche do ſie dir claget von mir
owe|der zartē füſſe die mich nit ſtiſen do
ich ſie küſet owe der rainē fuſe die mich
nicht ſtieſſen do ich ſie küft vnd wufch mit|me(=)
inen zechern vnd du mir defz gundeft owe
der edlen füſe die mich nicht verſchmechtē
do ich ſie trucket mit meinē hare vnd ande^z
manige clage die ſie hete ob meinē kinde
do kam iocob meiner ſweſt^z fun den man
do ſprach er wer meineß kindeß prude^z
[50r,01]wan er wafz im gar gleich wordē an allē
feinē leib der ſprach mit groſſer clag owe
herczen#lieber herr wie iſt dein miniclicheß
antlicz im ſelber ſo gar vngleich wordē vñ
wie iſt dein l<ei>b ſo ſer zermartert vō der
ſchaiteln piß auf die verſſen iſt nichtß vnu^z(=)
fertß an allen deinē leib owe|lieber her vñ
maifter geſtern wafz deine miniclicheß
antlicz meinē geleich wer mocht nū geſpr=

echen daz ich dein pruder wer wann du pist
dir selber vngeleich worden vnd mit ande^r
groffen herczelicher clage do verfwur|er dz
er nymer nichtfz entpise pist daz mein kint
erfunde von dem grab do erfchain im mei
kint do erfchain an feinē pete|lag vnd spr̃ch
gutlich zu im bruder mein stand auf vnd
yff defz menschen kint ist erfandē vō dem
tode die|andern kamē geloffē gar mit|gr=
offem geschray vnd clagtē alle gar mit grofzē
manigueltigē zechern daz sie vō im geflochē
waren vnd nicht mit im gangē warē in
den tod vnd do ich vnd die iungē pey im
fassen do erf#freuet vnſz mein kint mit|der
freude die wafz die erst noch feinē tode fein
leib der vor vnſz tot lag daz er ward alſz
wuniclichen schön vnd vnu^tftellet alſz ob|er
nie wundē noch ſchlag het|entpfangē an|die
vuff zaichen die|beliebē gancz die er an|dem
iungſten tag zaigen will aller der werlte
[50v,01]do#vō gewunnē wir groffe freude do
man in wolt begraben do|het ich|alſz groffē
iamer daz ich mich ſchaiden ſolt vō meinē
kind daz ich in vmbe#fienge mit meinē
mutterlichē armē vnd mit meinē kreftē
vnd het in gern behabt do nam mir io=
hanneſz mein kint uber meinē willē do
sprach ich zu im owe iohanneſz mein kint
laſz mir mein kint daz ich nicht lebendig
gehabē mag oder hillf mir daz ich lebegrabē
werd mit im do sprach iohanneſz mein
kint czu mir owee liebe|fraw vnd muter
mein nū waift du woll daz efz nit|andē^rfz
foll fein wann menſchlichfz geſchlecht mocht
an|deineſz kindeſz tot nicht erlōft fein word
vnd do er dieſz gerett do namē sie in do

wider meinē willen vnd trugen in zu
dem grab vnd do sie in dar#ein gelegtē
do viel ich auf dafz grab vnd het anderfz
nicht begrert dan dafz man mich mit im
begraben hett do nam mich mein kyntt
iohannefz vnd wolt mich danē fürē do
sprach ich mit groffen leide owe iohannefz
mein kint lafz mich genieffen der groffen
treü die dir mein kint er<.>zaigt hat in
feiner leczen nott do er dich mir gab zu
ain zu ainem fun vnd mich dir zu ainē
[51r,01]czu aine' mutt' vnd lafz an mir nicht geschechē
den groffen mortt dafz ich mich schaide vō meinē
liebem kinde wann ich gern meinfz endefz wil
pey im erbaittē do wurde alle die do warē
vō herczen wainē vnd do nam mich mein
kint iohannfz uber meinē willē vnd furt
mich in die statt in meiner fwesfter feiner
mutter haufe vnd do mich die er#fache dafz
ich so iemerlichē kome vnd fache dafz mein
gewant so rot wafz von plutt dafz vō meinfz
kindefz wundē auf mich wafz geflossen do
ich vnter dem creucz stund vnd het ein
groff erberme uber mich vnd sprach owe
owe wie ist efz heut ein gewalt in difer
statt geschechen an differ miniclichē frauen
vnd an irē kinde also belaiß ich die|nacht
in meiner fwesfter hauffē vnd von groffē
laide hett ich kaum krafft so ich saß so wolt
ich sein czu#prochen so ich stund so vill ich
nider so ich lag so wafz mein hercz pey meīē
kinde vnd bey dem grab vnd wer gernen
auf#gestandē do ent|mocht ich vor groffer kra=
nckhait vnd vor laide nicht vnd het groffē
iamē vnd wainet paide nacht vnd tag vñ
mich kund mein kint iohannefz nicht getr=

oftē noch mein fwefter noch maria mada(=
lena die von liebe wegē meinefz kindefz pey
mir wafz mich kundē all mein freünt
[51v,01]nicht getroftē vnd wurden die wort al(=
le an mir erf<=>fult die ieremyefz vor|lāg
von mir gefprochen hett ploranfz plor(=
ait in nocte ett lacrimae eiufz maxilifz
eiufz sie wainet tag vnd nacht vnd fie
ent|kund nymant tröftē vnd die zecher
warē an iren wangen owe anhelm⁹
nū hör<e> clegliche mere do fich mein fweft^z
vnd maria madalena beraitē mit edler
falben vnd woltē czu dem grabe gen dz
fie mein kint <g>efalben vnd do fie vō mir
giengen do muft ich vō rechter not d<a>hā
beleibē dafz tet mir alfo we dafz efz vnseg(=
lichen ift wan mir viell ein hercz#laitt
auf dafz ander do ich mit dem leib nit
dar mocht kumē do wafz mein hercz
alzeit pey im vnd gedacht an fein min(=
ylichefz antlicz dafz ich dick frölich ange(=
fechen hett vnd an fein füffe lere die vō
feinē gotlichē mun<d> wafz oft gefloffen vñ
gedacht wie mein liebſz kint verattē
ward vō feinē freüntē vnd wafz er|ftöffe
ſchleg vnd ſpötefz het entpfangē do er ge(=
furt ward in defz piſchoff haufe vnd wie
fein der furft pettrufz hett verlaug<e><. > vñ
do er vor gericht ftund wie ain gefchray
auf in gethan ward wie vngezogēlichen
vnd lefterlich er mit den mordern aufzge(=
für ward wie im feine claiden ab#gezogē
[52r,01]wurden vnd an die groffen hamerſchlege
do im die nāgell durch hend vnd füfe wrdē
gefchlagē vnd wie er getrenckt ward mit|ef=
=fig vnd mit gallen do er ſprach mich durft

noch menschlichē hail vnd daz sie nit beg=
=nügt an feinē grymē tode vnd sie rachē sich
an feinē totten leichnam vnd stachē im ein
sper in fein hercz vnd do ich daz allefz bedacht
do sprach ich mit einer gemerlichē stieme owe
lieber minicycher fūfer ihesu gott vnd mēsch
vnd schöpfer aller welt vnd aller creattur wy
recht piterlich du vō den menschē getötet pist
durch defz willē du die menschait vō mir
deiner megte an|dich nemde den weder der
himmel noch erdē noch daz mere noch daz ab(=
grunde nicht begreiffen mag der ligt be(=
schlossen in ainē hallen stain owe der von
dem alle creatur leben vnd vō dem die el(=
lament irē ganck|habē vnd irē schein vnd
von dem die totē werdē lebentig vnd der
die engel vnd den himel hot beschaffen
vnd der alle liecht hot gemacht der ligt
in ainē finster vnd in eim v^rschlossē stein
wie der ewig vnd vn#tötlich gott der dar=
=umb mensch ward daz er die verloren
menschē wider#precht der möcht feiner kint=
=hait nicht genieffē in fucht herodesz daz er
in er#stech owe wie vndanckberlich haben
yn die iuden entpfangē durch der willen
[52v,01]er auf ertrich kam vnd die totē er#kuckt
vnd die siechē gefunt macht vnd allezeit
gute werk eugte vnd do ich in groffem
leiden wafz mit mein swester vnd ma'ya
madallena mein kint suchten vnd mich
in dem haufe hettē gelassen wan ich in
nit mocht gefallgē zu dem grabe do kam
mein kint alz mit groffer clarhait vnd
alz mit grofer herfchaft vnd vnsleglicher
freüde vnd wz fein antlicz alz wuniclich
schon vnd alz durch#leuchtet alz der weif(=)

fag spricht speciofufz forma pro|fillufz
hominū er wafz der allerfchönfte uber|al
mēfchē kinder vnd er mir alz in groffer
herfchaft erfchein do fach er mich alfo gutlich
an dafz ich allefz herczēlaid v'gafz dafz ich
ye gewan vnd gruft mich freüntlich vñ
sprach du feift gegruft minicliche mut'
vnd füfe maget gefegent vnter allen w
weiben lafz dein grofe clage wan dein
kint eft erfanden von dem grabe do#vō
lafz dein cleglichē iamer vnd vnmeßige
piterikait vnd czu#hant viel ich nider
vnd kufft im fein füfe vnd sprach zu im
ein ewiger fun defz vaterfz vō himelreich
vnd mein kint ich lob dich dafz du mēfchlichfz
gefchlecht mit deinē tod vnd mit deiner
[53r,01]marter erledigt vnd erlöft haft vnd gefeg(=
ent fey der vater von himelreich der dich
auf erterich czu mir fendet dafz du mēfch(=
lich gefchte natur von mir nemde vñ
alle werlt erloft haft do ich diffe|wort
zu im sprach do fchied er von mir czu(=
hant zu#hant kamē die potē vnd mein
fwefter vnd maria madallena vnd fagtē
mir fie hetē in gefechē do fagt ich in
auch dafz ich in gefechen hett vnd wie
wuniclichē ich in fache vnd wie herl<i>ch
vnd do ich in gefechēhett do het ich grofz
freude wir freütē vnfz nicht alleine
funder auch die fune die erlofchē wafz
von meinefz kindefz tod die gewan irē
fchein vnd waz fich erfreüē dafz man
fie frolichē an dem auf#gang fache die
erd die fich vō meinefz kindefz tod erfch=
ute die freuet fich do mein kint aufz
dem grab trat vnd er#fchutet vnd er(=)

wegt sich vor groffen freuden vnd got
die totē wider die vō adamfz zeitē gefangē
waren gewessen dafz sie warē gewifz
ge#zeügē der vrftend meinefz liebē kindf
do wafz mir allefz herczē#lait benumen
nicht allein dafz ich mein herczēliebefz
kint wider#hett funder ich freut mich
auch dafz alfz menschlich gefchlecht er(=)
[53v,01]loft wafz worden dar#noch uber virzig
iar do difefz alfz gefchach do kamē czwien
heren vō rom der ain hiefz titufz der
ander vespefian⁹ die zer#ftortē do ier(=)
iufallem vnd viengē do alfz vill iudē
dafz man ye dreifig iudē vmb einē
pfening gab vnd rachē do meinefz kindfz
tod vnd fein marter